

Napredak sarajevskih doktora je impresivan



Razgovarao:
Prof. dr.
Faruk Dalagija



Šef Odjeljenja za Radiologiju, Näl, Trollhättan bolnice, prof. dr. Hans Klingenstiern već je u dva navrata bio gost KCUS-a gdje kao stručnjak iz interventne radiologije pomaže mladim doktorima u izvođenju novih radioloških procedura

Zamolio bih Vas da nam ukratko kažete nešto o sebi i Vašoj bolnici?

- Rođen sam 17. maja 1953. godine, u malom gradu nadomak Geteborga. Medicinu sam počeo studirati 1979. godine, a diplomirao 1985. godine. Odmah poslije studija počeo sam se baviti radiologijom, u bolnici na zapadnoj obali Švedske, južno od Geteborga. Angiografije sam počeo raditi 1985. godine, i od tada to polje predstavlja

moj najveći prioritet. U Univerzitetsku bolnicu Sahlgrens sam prešao 1990.-1991. godine. Specijalista sam postao 1992. godine. Nakon toga sam započeo subspecijalizaciju iz neuroradiologije, ali su me nakon pet mjeseci zamolili da počnem raditi na gastroenterološkom /urološkom/ interventnom odjelu. Tako da sam od 1993. godine radio kao konsultant na ovom odjelu. Od 1993. godine sam, također, kontinuirano podučavao studente medicine, medi-



ginske sestre, domaće i inostrane ljekare. Od 1996. godine radim kao ispitivač iz univerzitetskih kurseva interventne radiologije pri Univerzitetnoj bolnici Sahlgrens. Član Odbora Seldingerovog društva vaskularne i interventne radiologije SSVIR, postao sam 1996. godine, a od 2001. godine sam odgovoran za pitanja edukacije. Šef Odjeljenja G/U/I postao sam 1997.- 98. godine. Ostavku na to mjesto sam podnio 2001. godine i postao samo šef interventne radiologije. Od novembra 2003. godine sam medicinski šef Odjeljenja za radiologiju, NÄL, Trollhättan bolnice.

Kako ste odlučili da prihvatite poziv i dođete u Sarajevo da kao stručnjak iz interventne radiologije pomognete mladim doktorima u izvođenju tih radioloških procedura?

- S vremena na vrijeme radim u bolnicama oko Goteborga. Prilikom jednog takvog angažmana sreo sam se sa doktorom **Jasminkom Grebom** iz Bosne i dosta smo pričali o životu i vremenu koje je proveo u Bosni za vrijeme rata. Uspio sam mu obezbijediti jedno mjesto za edukaciju u Univerzitetnoj bolnici Sahlgrens. Jednog dana sam ga zapitao da li postoji interes za obuku iz interventne radiologije u Sarajevu. Također sam rekao da bih ja to uradio bez plaće, ako bi to olakšalo stvari. On mi je odgovorio da ide u Bosnu, i da će pitati. Kada se vratio, rekao mi je da interes postoji. Nakon toga sam stupio u kontakt s vama i vašim Institutom.

Opišite trenutno stanje u oblasti interventne radiologije u Vašoj zemlji, u svijetu, kao i pravce mogućeg razvoja?

- Područje interventne radiologije i minimalno invazivnih procedura će se nastaviti razvijati, zbog manje traumatskog pristupa pacijentu. Tretiranje abdominalne/torakalne aneurizme i stentiranje karotida predstavlja do sada najzujbudljivije područje, ali nova nadolaze. Švedska je jako napredna u interventnoj radiologiji i tako će najvjerojatnije biti i u godinama koje dolaze.

Kakvo je Vaše mišljenje o napretku naših doktora u izvođenju interventnih procedura i kakve su perspektive u tom pogledu?

- Napredak sarajevskih doktora je veoma impresivan. Za vrijeme mog boravka napravili smo približno 12 do 15 interventnih procedura. Većinu su izveli vaši doktori sami, pod mojom supervizijom, dok sam samo nekoliko slučajeva napravio sam. Nakon ove dvije sedmice vidim veoma dobar potencijal za budući rast i razvoj.

Možemo li očekivati da Vas ponovo vidimo u Sarajevu, i kada?

- Doći ću ponovo u septembru 2004. kako bih nastavio edukaciju. Nadam se da ću dovesti i vaskularnog kirurga koji će pomoći vašim vaskularnim kirurzima u njihovim zahvatima.

"Napredak sarajevskih doktora je veoma impresivan. Za vrijeme mog boravka napravili smo približno 12 do 15 interventnih procedura. Većinu su izveli vaši doktori sami, pod mojom supervizijom, dok sam samo nekoliko slučajeva napravio sam"